

四庫全書

集部

欽定四庫全書

集部

廣陵集卷一至七

詳校官庶吉士臣謝恭銘

檢討臣何思鈞覆勘

總校官檢討臣何思鈞

校對官主事臣陳墉

謄錄監生臣王英跋

欽定四庫全書

集部三

廣陵集

別集類二宋

提要

臣等謹案廣陵集三十一卷宋王令撰令元城人幼隨其叔祖乙居廣陵遂為廣陵人初字欽美後王萃字之曰逢原少不檢既而折節力學王安石以妻吳氏之妹妻之年二十八卒遺腹一女適吳師禮生子曰說其集即

說所編凡詩賦十八卷文十二卷又拾遺一卷墓誌事狀及交遊投贈追述之作皆附焉今才思奇軼所為詩磅礴與衍大率以韓愈為宗而出入於盧仝李賀孟郊之間雖得年不永未能鍛鍊以老其材或不免縱橫太過而視局促剽竊者流則固個個乎遠矣劉克莊後村詩話嘗稱其暑旱苦熱詩骨力老蒼識度高遠又稱其富公并門人相答孫莘老

聞雁諸篇古文如性說等篇亦自成一家之言王安石於人少許可而最重令同時勝流如劉敞等並推服之固非阿私所好矣其集久無刊本傳寫訛脫幾不可讀今於有考校者悉為釐正其必不可通者則姑仍舊本庶不失闕疑之意焉乾隆四十六年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

廣陵集卷一

宋 王令 撰

藏芝賦并序

丙申歲自四月至六月

一本作夏四月

大雨而余之所客天長

縣東北皆瀕

一本作邊

湖澤地浸以下頗以水為患傷草木

多死邑居無薪芻而益貴薪益來自遠以余之所居則

新之自北來者常售於余間而有得若枯華斷穎根梗

蒂芥支離臃腫與碩實所

一本作穎

異於常草者而皆取以

戲就其中嘗試視之余得則芝也折傷不全計之於完此當一葉耳不知其他安在也其生不知遠近要皆在

縣之北以常負薪之所來則芝從可知也示人

一本作以之示

人則不齊

一本作不能辨

有由是而知有芝有由是而信為

一本

作有

芝有雖得是而弗之信者然芝之為物不常有而或

出可愛者也自古詩之作見於今者凡三百篇其以風

賦比興而附見於物若蘋蘩薺葍荇芣

一本作芣

苦藿萸唐

當遂瓠匏瓜葛鬱蓂葵藿葍荇藻莫茅茶藺苓蓬莠草

蒿菴蒲萑葦葭蕭艾稂莠著芑禾麻菽麥黍稷豆菽
秬秠糜粟稻粱菅茅卷耳芣苢菁莪莠蔓荷華游龍如
蘼芍藥之類雜見並出然此特草耳其多蓋如此而未
嘗及芝也自詩而下長辭章而善自托者獨有屈原今
其離騷九歌具存而可考然其況意所及自詩人所紀
之外復益以江離芙蓉杜若薜荔木蘭白蘋畱夷揭車
蕙芷茝菊芰蘅資葉施蕪葍蓀而地所常產目所同識
之草盡矣若夫陳忠而直私忿廢而怨逐託於彼而取

此以見義此則予之所知至於道則予不得而一也然
稱類已衆而芝復獨遺是誠何故耶說者遂以九歌之
三秀為芝余以其不明又其辭也則曰適山而採之則
芝非獨山草蓋未足據信也及觀漢樂歌蓋當時文工
槩人緣飾世治以裁一本無裁字主意耳非有如詩人騷客
鬱於中而不得言憑於物而後見者皆非予所好也今
予得芝而賦之意皆在於賦序故不道也

庭勾突萌抽蔚擢秀孰非春兮坯培壅堙播漑輒時孰

非人兮不為常生時見挺出芝則神兮靈幹不阿衆葉

類附不孤有鄰兮生莫時期毓無種裔天生德兮苒苒

薦庭蘼

一本作蘼

蕪薦道退野即兮生無

一本作有

本根拔不滯

茹無吝惜兮榮而不華槁而不枯莫損益兮茨萊翳陰

高出下蔽適以取容兮朝困射干齊長並秀德不校同

兮荒原穢壤棄放委廢若將終兮知者謂

一本作為

誰何為

來者似不必逢兮困於不知束於薪蘇自信不恥兮摧

戕折傷披本斷幹禍不自已兮火災木焚投置不縮知

命有止兮偶於自生不祈見聞吾與爾已兮

懷感賦寄滿建中粹翁并序

懷感賦者何感於此而懷於彼也孰可懷之河東滿姓粹翁其字也懷之者何賦以見之也

朝忽忽兮置食而嘆暮戚戚兮默笑與言完襲襲而重美兮几按按而已安宜而能自休兮何不安以坐眠既幾乎而冠兮衣而袞完出可以遊兮入居而端韋竊而得食兮他無病患豈怡融之不有兮曷苦心而感顏鳴

呼莫知我思兮思將奚殫念彼淑人之遠兮東南之偏
其人雖小兮已冠而人肩其德孔明兮百燎其燁既濯
潔於江漢兮又秋陽暴其明鮮我俯仰而不知其高且
厚兮疑此而為地天苟世之無知兮猶將盼千世而懸
懸既有而不吾托兮如之何而不思旃企長途之坦坦
兮人百馬轅而不繫而羈於我足兮勢不得而自前嗚
呼命也兮不遇則難吾從事於人兮亦久有年既齟齬
於不合兮間一收於百千惟燭外不燭內兮

一本作言
恂恂如可

信但見睨美而笑妍

一本作面睨美而笑妍

惟其心不可量兮如

平流之與深川忽揚而波兮急而為湍以木而涉豈不
既利兮亦時忽而摧顛昔吾平地而不之信兮今乃為
解維之船已濟而悔兮嗟曷為乎此緣以是望夫子兮
實純白而完堅使我有得如夫子者兮則我之思將二
三而不專今不見而疑無兮浩東望而汎濫

一本作非汎濫

我能一於夫子兮實世無夫子而使然

言歸賦三章

歸乎歸乎從茲世以奚為世不能以是而從吾吾安能
從世以適非求吾志則不得苟以食則從之非大人之
獨畏吾且慚於臺豎之窺彼皎皎之潔不受污嶢嶢之
高不受瀦吾盍繇

一本
作從

此以歸乎

歸乎歸乎人誰適從盍求

一本
作守

吾之志乎俱杲日而有

一本
作是

逃乎恤影之息乎從夫人以適越眷吾車之柅

乎不剗足以狗屨合終跣而已乎嗟匏瓜之不食安知

不得之

一本
作自

濟乎

歸乎歸乎吾何歸乎吾食無田吾寢無廬吾爨無芻吾
舖無菹四方不可遊吾亦無馬以取道眷魚鹽與工賈
吾豈從買賣子以為撓然則無以歸而柰何安吾命以
施夷從吾志以委蛇歸乎歸乎歸何時乎南山之阿

竹賦

於此有物焉其材劇而色剛其軀瘠癯不配所長色盛
氣充膚理有光臨臨兮其高其可仰也挺挺兮其直其
不可以枉也毅毅兮其羣其不為黨也其立自樹

一本
作直

而不倚其長絕衆而不離恬無盛衰以聽四時置身嘗

安視物死生弟子不敏昧於考成罹世斲削甚者遇烹

其守不移附者益

一本作日

增愚所不知請筮以明筮曰斯

夫其始甚銳既極而止

一本作上

者歟後生晚起超出輩類

者歟確乎不拔以節終始者歟死傳其徒不私以

一本作其

子者歟生久處而不回死知命而不恐老者求以自輔

少者得之而無用是其繇曰誰藏孔殷而不思藩彼架

未柱我安事

一本作俟

椽優哉游哉聊以永年幸聽筮之請

以竹言

倚楹操序

魯漆室女倚柱

一本作楹

悲吟鄰人疑其有淫心而欲

嫁也漆室女曰楚

一本作魯

人得罪於其君逃吾東家

馬逸蹈

一本作食

吾園葵使吾終年不食菜吾西鄰失羊

請吾兄追之霧濁水出使吾兄溺死終身死兄

一本作使予終

身無兄

政之致也吾憂國傷人心悲而嘯豈欲嫁哉自傷

為人所疑入山林見女貞之木嘆息絃歌作二操而自

經死

馬則食葵而余則飢盜則得羊而余無兄知誰為此

一本

作同

兮余不聊生誰余哀兮余思深中忽忽兮外不知其

嘯吟野哉鄰妻兮曾謂余淫以己逆人兮余不知其何心

亡羊奔奔豈不有鄰子可閉門亡羊不復去何自逐身

則非牧霧濛濛兮水蹦蹦謂兄無行兮兄行不忍一失

於鄰而思失厥身雖然

一本無此二字

殞子之身兮其亦如亡

羊之鄰

鼯鼠操序

魯文公七年鼯鼠食郊牛之角魯南之野老聞而嘆曰
不可不知懼也既而又曰天下之事備矣

鼯鼠鼯鼠實食其牛牛則不知彼牛彼牛既卜以郊傷

則免之

鼯鼠傷物而物不知
故世謂之甘口鼠

噫田操四章章六句寄呈王介甫

田彼黍矣則食於秋我人之耕載芟載薅

一本作春
載來耨

豈

不憚勞將食無攸

田彼黍矣幾不螽蟳我人之耕而不謀年唯其

一本無其字

不謀年是用卒食

伐木伐木無廢於勤不足柱榱猶用以薪豈弟君子無

易於人

誰能

一本作云

采芹不適有獲果蓏樹之則食其實豈弟君

子孔敬且力

終雌操

林鳩之雌兮不有巢而子兮而有巢以止兮吁嗟乎已
兮終雌之從兮吁嗟乎雄兮終巢之樂兮吁嗟乎鵲兮

終風操

雲之揚揚油油其蒙望我雨以卒

一本作適

從以風雲之油

油揚揚其去我挽不可泣立以佇終風不休終雲不留
不雨我田不穀我收巖巖南山有川其下徒能必雲不
能必雨蓁蓁者林有越而樛人伐以歸我徂安休嗟今
之人顧己是求有顧者木曷為而材大折以薪小生何

哉嗟今之人誰同我哀

夕日操

煜煜夕日逝何忽兮有輝而星爾留曷其我視而寔我
適不行我盡日乃傾獨何求於爾星煜煜夕日不尚有
朝皦皦君子去誰繇招死如可從生百不聊繹繹道周
伊誰之園夙不築自一本無自字垣今安以樊人各有心亦
不思旃

於忽操序

劉表見龐公將起之而公不願也表曰然則何謂公曰

我可歌乎既歌命弟子治

一本作絃

之凡三操

於忽乎不可以為其又奚為離婁之精夜何有於明聾

曠之耳聾者亦有爾

一本作塞何有於聲

束王良之手兮後車載

之前行險以既覆兮後逐逐其猶來雖目盼而心駭兮

顧其能之安施委墨繩以聽人兮雖班輸亦奚以為

於忽乎不可以為其又奚為椽櫨桷榱之累重顧柱小

之柰何方風雨之晦陰行者艱而莫休居者坐以笑歌

不知壓之忽然兮其謂安何

於忽乎不可以為其又奚為謂雞斯飛誰得而羈謂豕
斯突何取於縛是皆以食而得之吾方飢而噫雞兮豕
兮死以是兮

辭粟操序

子列子辭鄭子陽粟歸而作是操

食人之粟飽復何

一本
作奚

為當人之賜罪亦

一本
作欲

何辭有

以我為是兮豈無以我為非已兮已兮吾何以勝人之

言兮

陋操

孔子去
趙作

行曷為兮天下老吾身而不歸人固舍吾而弗從吾安
得徇人而從之昔所聞其是兮今也見之則非嗟若人
之弗類尚何足以與為彼天下之皆然嗟乎去此而從
誰信亦命已矣夫固行兮而曷疑

廣陵集卷一

欽定四庫全書

廣陵集卷二

宋 王令 撰

樗高操

一云
仙樗

惠子去聖

一本
作宋

望大樗而作

崇崇北丘其上有樗

一本作崇崇北
山其山有樗

遠者以為梁或者

爭以柱就而睨

一本
作視

之曾無事於樽櫨嗚呼木乎期我

於遠者歟

一本作何取
於求室歟

松休操

蔚彼南山

一本作北

山有松其猗孰堂而基孰壞不支遠莫與

一本作以識其

一本作斯

斬以狙猿之杙是近是度謂

一本作喟

家之

無桷嗚呼松乎余歸此休乎

南山之田贈王介甫

南山之田兮誰為而蕪南山之人兮誰教墮且來者何為而往者誰趾草漫靡兮不種何自始吾往兮無耜吾

將歸兮客吾止要以田兮寄我治我耕淺兮穀不遂

一本

稂耕之深兮石撓吾耒吾耒撓兮耕嗟難雨專水兮日

專旱借不然兮穎以秀螟懸心兮騰開口我雖力兮功
何有雖然不可以已兮時寧我違而我無時負

送黃莘任道赴揚州主學

子之來兮東之舟暮不至兮誰牽

舊本作撓

以留子之去兮

西之馬朝何亟兮不秣而駕駕明

一本作何

適兮徂揚揚之

郊兮泮之央泮之冰兮春之水泮之莪兮芽茁於涘泮

之鷺兮潔白以止泮之土

一本作官

兮除掃不泮泮之人兮

立以望子久不可待

一本作待子不來

兮足併以跂子未至兮

謂奚子之至

一本作來

兮何以慰之招其來而挽其去納以

寬而不嚴以恕增其長而救厥玷

一本作貼

失培其根而使

華以實泮之人兮子喜子先何適兮不夙吾治

送黃任道歌

吾門之達兮爾可疑以入兮進之不時兮吾豈不爾待
兮何後未至兮前已過之來猶有望兮去何勝追俯吾
著

直居切

而即兮況堂若室兮又歌曰

教耶學耶為來往耶衣之茶茶冠膝膝耶何進趨之舒

不若退走之速耶雖終不吾聽兮猶無貽我嗟

翩翩弓之張兮詩三章寄王介甫

翩翩弓之張兮其亦弛則藏兮惟此乘馬不秣而駕維
彼乘駒不駕以芻

翩翩弓之觥兮其亦弛則橐兮廐我乘馬不適以駕同
彼乘駒亦食以芻

瞻彼車兮既徵其輻有駒斯服有馬斯牧心之憂矣聊
以反覆

我策我馬寄王介甫

我策我馬將安從人之冲冲誰適逢言歸於東

我策我馬將安求人之悠悠誰適謀言東之遊

井則有泉渴者俯之燎之陽陽寒者附之君子則高吾則仰之

無衣一首招黃任道歸

豈曰無衣不能素裳縫齊有鏘直韞以方豈曰無衣不能素履絢以為戒夙夜以無怠素裳夷夷誰涉不褰素

履几几誰涉不止始也何所為我推我宗惡余之無從
睢盱以為恭今也既宣我力羣心慝慝毀予以自德魯
莫肯已直爾我目矣何為而睡聰亦云聰魯莫有告謀
及於道佛且訕以笑謂白蓋黑或者亦以赤行何必有
足巧言以成迹以我有常從爾罔極翩翩者舟在河之
深人持不至亦以自濟嗟爾君子歸歟予遲

效醉翁吟

一本云寄
題醉翁亭

山巖巖兮谷幽幽

一本作山巖
嶢兮木修

水無人兮自流始與誰

兮樂此昔之遊者兮今非是清

一本作滌

吾樽兮潔吾簞欲

御以酒兮誰宜壽者山靡春兮野鹿遊亭無人兮飛鳥

下喜公有遺兮樂相道語從人以遊兮告以其處高公

所望兮卑公所遊公為廬兮燕笑以休撫

一本作撓

山果以

侑酒登溪魚而供

去聲

羞仰春木以塞華俯秋泉而漱流

公朝來兮暮去肩乘輿兮馬兩御來與我民兮不間以

處誰不此留兮公則去遽花垂實兮樹生枝我公之去

兮今忽幾時知來之不可望

一本作願

兮悔去而莫追人皆

可來兮公何不歸青山宛宛兮誰為公思

桃源行送張頤仲舉歸武陵

山環環兮相圍溪亂亂兮漣漪花漫漫兮不極路繚繚
兮安之棄舟步岸兮欲進復疑山平阜斷兮忽得平原
巨澤莽不知其東西桑麻言言兮田野孔治平聲風回地

近兮將亦聞乎犬雞信有居者兮盍亦往而從之語何
為乎獨秦服何為乎異時見何驚兮還錯貌何野而棲
遲問何迂兮古昔聽何感而喑噫秦崩晉代兮河覆山

移天顛地陷兮何有不知上無君兮孰主下無令兮孰
隨身羣居而孰法子娶嫁而孰媒既棄此而不用何久
保而弗離豈畏伏於亂世兮猶魚潛而鳥棲寧知君之
為擾兮不知上之可依豈懲薄而過厚兮遂篤信而忘
欺將久習以成俗兮亦耳目之無知眷叙言之綢繆與
歡意之依稀及情終而禮闕忽回腸而念歸更酸顏而
慘頰嘆異世之從容惜暫遇之偶然嗟永離而莫同舟
招招而去岸帆冉冉以行風豁山靄之披祛赫曉日之

瞳矐驚迴舟而返盼忽逕斷而溪窮目恍惚兮圖畫心
轉張兮夢中何一人之獨悟遂萬世之迷踪惟天地之
茫茫兮故神怪之或容惟昔王之制治兮惡魑魅之人
逢逮後世之凌夷兮固人鬼之爭雄抑武陵之麗秀兮
故水複而山重及崖懸而磴絕人跡之不到兮反疑與
夫仙通君生其地兮宜神氣之所鍾觀顏面之悄悄兮
其秀猶有山水之餘風憫斯民之無知兮久鬼覆而仙
蒙顧窮探兮遠覽究非是之所從因高言而大唱一洗

世之昏聩

我思古人答焦千之伯強

我思古人兮不

一本作忽

古今之異時生茲世之誰期欲勿

思而奈何獨斯人之不見聊

一本作故

永懷而自歌樂吾行

之舒舒忘茲

舊本作忽忘

世之汲汲睇萬里以自驚兮豈寧

俯以效拾載重道遠兮予欲行而誰與累九鼎以自重

兮顧阨之弗舉矯身以為衡兮權世之重輕廣道以為

路兮聽人之來去

魯仲連辭趙歌并序

司馬遷謂魯仲連不合於大道

一本作義

以余考之信然要

之一時則連固壯士而有所不為此則余喜之

一本作所喜

常壯其辭趙之意惜其不廣也因為之歌曰

秋風起兮天寒壯士醉酒兮歌解顏螳螂何怒兮轍下

蟻何鬪兮穴間紛擾擾兮誰者則賢井方崩兮治隧屋

且壓兮雕椽生則役兮弗繫念此禍至而知悔兮身忽

焉其已死陶唐虞夏兮今則古矣彼秦且帝兮連有蹈

東海而死耳

山中詞

山中兮何游登彼山兮樂天高棄吾馬以取步降吾車
兮足兩履石當道兮行旁木碍上兮下俯曾蹈險之非
艱聊憑高兮下顧何所視之乃牛而獨見之如鼠彼促
促者出其下兮曾其身之非偃吁嗟徂兮離婁之死則
已古之不較其為短長兮何獨計其高下山高兮崔嵬
山之舊本作路兮百折而千回趨前行舊本作而就挽

山中之

行趨前

笑顧後使推之彼游者誰兮何以子之車來

江上詞

渡江遇風作

江之水兮東流沚湍流兮寄人舟舟無柁兮載函重風
乘波兮掉人用濟不濟兮奈何橫中流兮涕滂沱來何
為兮不待今雖嗟兮安悔舟方乘兮人不吾以覆且溺
兮我則同人死

江之水兮東流濟欲濟兮何由水浸浸兮灘露暮濤下
兮夜潦收舟不行兮推之兮陸力不足兮汗顏行無由

兮塗足時不逝兮奈何歸日暮兮塗遠去風高兮水波
行躊躇兮佇望聊逍遙兮永歌

江之水兮東流汨湍流兮望歸舟來歸兮何時步芳
洲兮濯足陟南山兮采薇江風波兮日暮望夫人兮未
來

江之水兮東流汨湍流兮望歸舟風滔滔兮浪波苦嗟
往者兮未還惜行人兮將去去何適兮歸何時執子手
兮牽子衣行何如今來復濟豈無兮他時

寒林石屏

號山之遠數千里號石之重難將持舟車號來每苦重金盜尚棄不肯携苟非世尚且奇怪孰肯甚遠載以來何況號人自珍秘得一不換千瓊瑰流傳中州盛稱賞主以詫客客見祈世人賤真珍貴假見者喜色留膚皮强材美幹立修蔭羅列滿野誰復窺我嘗客坐例一見實亦可愛小且奇初疑秋波瑩明淨魚子變怪成蛟螭鱗鬚爪角尚小碎但見蜿蜒相參差又如開張一尺素

醉筆倒畫胡髯髭如何石上非自然猶是軟弱從風枝
高樓曉憑秋色老烟容雨氣相蒙垂喬林隱約出天際
醉目遠暝分茫微不然誰家老圖畫破碎偶此一片遺
借令人乎弄點畫尚恐巧拙成瑕疵如何石理自生長
安得當世無猜疑高堆黃金募辯說萬口利銳如磨錐
或云南山產巨怪意欲手把乾坤移先偷日月送崑底
次取草木陰栽培天公怒恐浸成就六丁桃斧摩雲揮
世人乘此得分裂鍛琢片段貿財貨至今風雨號山夜

樹石號作鬼神悲又云春氣入山骨欲自石裏生萬藜
根株芽枿未及出卒遇匠手相鑿鑿多稱老松已變石
此固剪裁根鬚離又云鬼手亦能畫多向石色成屏惟
固知物怪浩難盡誰能向此明是非城狐老能男女變
海蜃口或樓臺吹世間自是有此類何必詰曲窮所歸
細思此屏竟無用石不中礧木莫一本作不支徒將文理有
小異招聚瞽說成籠欺咄哉閉口不復論為語愛者無
我譏

贈慎東美伯筠

世網掛士如蛛絲大不及取小綴之宜乎偶

一本作高

儻不

低斂醉脚倒踏青雲歸前日才能始誰播一口驚張萬

誇和雷公訴帝喘似吹

一本作乞少淹

盛恐聲名塞天破文章

喜以怪自娛不肯裁縮要有餘多為峭句不姿媚天骨

老硬無皮膚人傳書槧莫對當破卵驚出鸞鳳

一本作飄

翔問

或老筆不肯屈鐵索縛急蛟龍僵少年倚氣狂不羈虎

脅插翼赤日飛欲將獨立跨萬世笑誚李白為痴兒

一本

作嬰
兒

四天無壁財可家醉膽憤痒遣酒拏欲偷北斗酌
竭海才拔木華鑿鯨牙世儒口軟聲如蠅好於壯士為
忌憎我獨久仰願得見浩歌不敢兒女聲

廣陵集卷二

欽定四庫全書

廣陵集卷三

宋 王令 撰

呂氏假山

鯨牙鯤鬣相摩捽巨靈戲撮天凹突舊山風老狂雲根
重湖凍脫秋波骨我來謂怪非得真醉揭碧海瞰蛟窟
不然禹鼎魑魅形神顛鬼脅相撐挾

偶聞有感

鯨脰海翻飛陸塵鐵房孤劍枯紫鱗擠排壯士仆不起

天公始自誇為神誰令寇敵牙拚橫不拔不鋤安得平
常星作彗倘可假出手為掃中原清

寄題韓丞相定州閱古堂

始聞定作閱古堂又聞定有閱古詩揚之遠定五千里
思得兩翅擘以飛偶聞人來說堂事初敞兩壁無塵疵
間時公來命繪匠親以玉指交畫揮教令某載若某狀
匠拜奉命唯不辭左圖守相父母吏右狀將帥熊羆姿
長冠我我偉笏佩鬬以玄白為裳衣屹如丁寧立以議

遜若避讓行而隨圖成儼

一本作嚴

毅色可驚過吏不敢竊

目窺仍令大筆署行事寫出黑膽朱肝脾死者有靈如
不泯合有英氣來附茲故公之謀不知出宜有神鬼

一本

物陰助其茫茫九泉謂已朽豈意一旦存形儀請留中

壁素莫繪待千歲後公以歸當搜國匠第一手狀寫公
像存依稀要知文完武繩備遺與萬世瞻思資我知觀
者定墮淚不復覘首羊公碑又聞當世大手筆磊砢詩
句相撐支手搏蛟龍拔解角爪擘虎豹全脫皮鄆州溪

堂遂寂寞韓詩塵蔽人不吹想應從此傳萬世粹玉貫
串珠縈纍小戎何為而縮伏久滯公斧血不滋何事功
成事業就兩手一掃清三垂一本作陞歸來天子喜以領秦
階輝煥平無欺一本作歇次招當世草茅士各使呈露心腹
披締裾聯纓上廊廟留與後世圖為師然後回謝閱古
堂彼合異代今一時

龍興雙樹

春城花草

一本作草木

窮朱殷俗兒趣走脚欲穿問來無悰

喜自適時到雙樹為奇觀莊如天官植幢蓋毅若壯士
蒼衣冠老枝又芽忽並出似欲併力擎青天靈根深盤
不可究疑與地軸相拘攣不知培栽竟誰手而又始植
為何年行捫步遶不可問但見茂色連雲烟東風牽人
少游此佛屋日日重門闕雖有大蔭人不及於此尤得
志士憐束蒿為楹樗為柱居者畧不憂其顛乃令遺材
抱美植不得總載桶與椽高堂傾歆未支柱匠者曰亦
經其邊不思大幹有強用反以斧鈍難其堅吁今誰是

愛材者定知惜此雙樹篇

原蝗

蝗生於

一本作蒲

野誰所為秋一母死遺百兒埋藏地下不

腐爛

一本作朽腐

疑有鬼黨相收

一本作扶

持寒禽冬飢啄地食

拾掇穀種無餘遺叻惟掠卵不加破意似留與人為飢

去年冬溫臘雪少土脉不凍無冰斲春氣蒸炊出地面

戢戢密若在釜糜老農頑愚不識事小不撲滅大莫一

一本

作不追遂令相聚成氣勢來若大水無垠涯蓬蒿滿眼幸

無用爾縱嚼盡誰爾譏而何存留不咀嚼反向禾黍加

傷夷鷓鴣啄啣各取飽充實腸腹如撐支兒童跳躍仰

面笑却愛甚密嫌踈稀吾思萬物造作始一一盡可天

理推四其行蹄翼不假

一本作反

上既載

一本作戴

角齒乃虧夫

何此獨出羣類既使躍跳仍令飛麒麟千載或

一本作始

一

見仁足不忍踏草萎鳳凰偶出即為瑞亦曰竹食梧桐

棲彼何甚少此何衆况

一本作而

又口腹害不訾遂令思慮

不可及萬目仰面號天私天公被誣莫自辨慘慘白日

陰無輝而余昏狂不自度欲盡物理窮毫絲要祛衆惑
運獨見中夜力為窮研思如知在人不在天譬之蚤虱
生裳衣捫搜剔撥要歸盡是豈人者尚好之然而身尚
不絕種豈復垢舊招致斯魚朽生蟲肉腐蠹理有常爾
無何疑誰為憂國太息者應喜我有原蝗詩

別老者王元之

二敵之來始何自乘我中國方迷昏各投

一本陰誣一本作設

作險怪

張誕妄尋附罅隙為株根例誇難能壓甚畏釣博

天下要推尊其流汗漫已不制尚自冲蕩洪其源一敵
中侵欲內侮猶遣萬甲疆場屯何哉二敵日內壞不思
刷去仍資存嘗聞古人第氣類皆以化外不足論惜乎
無倫弗禮義幾希不得人相捫吾觀世之陷此者不啻
火立足向燔豈期之子既自悟不思跳出乃欲踣余方
往就西北食聞子亦整東南轅雖然去就固在子安忍
惜手不試援

答李公安

自古名士紛如毛多見博帶裳衣褒如其可學不可逮

一本作殆

三滿夫子皆儒豪其文淵源尤可愛江海駕蕩相

吞滔方吾少時未識愧引領日望聲齊高窮吮折吻氣
力絕始盡退伏非所曹近來筆硯思置去新詩苟有亦
自韜間時屢索不肯出若欲獻貴賤厥操李君南來久
有日我姑得見試掇摛忽逢詩挑欲我接快句銳利磨
一本作如予刀要令口獻近章句若急敵迫不可逃顏頰舌
澀不可吐滯若亂緒強抽搔惟其自陳尚訥忤况又聽

者寧不聲退歸自與敗者比哲言欲棄甲弓矢囊新詩見
殺又須和咄哉自守何不牢

廣黃醇正叔二思詩

木落不去根水流常背源木落方病寒尚覆本根溫水

流忘由來散亂

一本作漫

卑濕牽讀子二思詩起予二者言

木實類君子老有孝感

一本作慕

存水亦

一本作乃

人迹然動由

名利

一本作為

世俗牽

一本作纏

使我父母感

一本作感我父母恩

一夕身

百翻人世但可悲

一本人生徒可悲

小官何足言情蒙有相奪

心迹固此

一本作已

分勉之多自寬行見西歸轅

晝睡

太古一去浩萬世百智競起紛修治

平聲

交將砭刀潰瘡

痼縱得平好無完皮傾山竭河論麴水都投大海為酒

池中間秣稻不滿掬日益醞釀成澆漓不知淳風竟何

適萬手齊舉招

一本作爭

不回北窻清踈鳥聲好晝扇自穩

間支龜塵埃不到日影薄枕簟拂拂生涼颼四支舒安

百慮廢髣髴認得太古遺散

一本作精

魂怡愉不旁適心肺

正靜無邪思因能不有世俗夢獨與淳氣相盤嬉伏羲
持刀割文畫古意蕩盡無銖釐睡無吉凶無得失縱欲
強卦安能為故能獨存至今日人各已有反不知須知

睡義大亦

一本作益盛

一本作甚

豈獨床第誇昏迷君子勞心事

業暇得時休息安天倪小人一心包萬險迨退就枕皆
平夷使其睡心大充擴去與君子何毫絲當年嘗聞曲
肱樂曾及至聖宜無非何況於夢更有得不見公旦因
嗟衰後來紛紛不知樂舍去大路趨邪歧竹林猖狂事

飲鍛捫撥蚤虱無留衣好惡低上浩萬端竟不及此亦可嗤蚊虻紛然始誰造一一口吻如針錐食人肌膚得腹飽不解默去猶鳴飛攘拳揮臂不可却聒耳不異笙匏吹雖然今尚爾無奈當有獵獵秋風時爾軀糜潰爾口壞我床安穩我枕欹平時多賢貴不及念日偃暝休恬恬

一本作
怡怡

哭辭

一哭摧心肝屢哭彫朱顏心肝摧日痛朱顏彫日乾二

十人未壯我衰已毛斑古人不得

一本作可

見今人誠可嘆

古興

出門將何從與物隨紛紛不得所欲為還與俗人羣外
跡久已非獨嗟心所存自信有可羞彼人何足論

秋居

秋居寒蕭疎秋意愁交并飽犬無吠志飢鳥有凶聲庭
空鳥交下墻穴鼠更爭浩歎欲出門日暮不可行

雪中聞鳩

孰謂拙者鳩已厭不可彈吾寒方病雪爾何雪

一本自作喜

喚寒城千萬家什伍赤兩脣通衢結沮水走指墮或半
門閉市無人竈冷煙不爨俗以雪為賀我獨雪之歎富
貴宜為憂不憂亦何患

吳江長橋

老匠鐵手風運斤一挾及入千山髡明堂有在不見用
此為失地猶濟人西瀦巨澤江海通獐風撼地波撐空
當道獨能支地險更東安得與天窮莫比垂天紳莫比

跨地帶渴龍枯死乾無鱗絕海失舟踏鯨背秦帝東遊
逐仙跡累重肉多飛未一本作不得三洲水隔不到山借得
紫虹千萬尺平時塵土埋吳雄吾亦棄劍來遊東欲觀
水盡朝宗海安得身乘破浪風為約他年可歸處頻倚
欄干不思去季鷹范蠡不足竒待我為名千古歸

題滿氏申申亭

申申亭者名自誰河東大人身銘一本作名之方其作亭自

休息固欲申暢名其題雖然自奉頗幽樂豈敢兼忽當

世為若日所憂非所及因以遯世無悶辭丈人踈高喜

自適志不限約來無時門無賓僚車馬絕室有几杖衣

冠

一本作中冠

歌夜徑行招海月伴書榻坐與天雲期春林

喧和鳥聲好勝聽俗論相啞

一本作啞

伊塵埃縱爾得風力

卒不到此徒自飛亭前朱朱有冶態亭下白白無俗姿

好木留存竟見實惡草鋤拔無容茨嘗聞景勝未易敵

須有大句相參差故吾經年不敢往日望詩老力可支

偶來為游適已晚花梢尚有春餘遺高哦遶樹惜時節

拾嚼紅片行逶遲回看北林竹萬顆

一本作箇

寒氣

一本作翠

欲

起凌人威清風時來助氣勢寒甲夜聚言語私方將投
間日來此脚踏樹下成交蹊無端塵土又為隔明日跨
馬西北馳心思夢好定頻到不必直俟歸風吹

晚歲

晚歲

一本作歲晚

意不適新詩老無情萬古共

一本作去

一嘆百

年行半生貧憂世累重賤喜身責輕義有不可嗟

一本作必

嗟非吾不能平

聞太學議

白日流上天牛蝨無遁形萬目盡為用而不駭日明穴
鼠夜值螢嗉嗉相聚驚鼠穴不日通鼠足不日行已矣
不日識乃此螢燭矜鮪鰕陷井坎莫與江海爭籠禽不
失飛詎識雲漢冥咄哉浮薄兒勉為高大營

贈別晏成績懋父太祝

懋甫相門兒家世踏

一本作
作奮

纓紉早年綴官簿青衫蔚於

茨本宜多驕矜不謂銳意敢意貪英雄交一手欲四攬

偶來濫予會臂搦手已領酒甕誇肩襟頂踵都一膽壯

心羞摧藏義內喜趙歌要言相死從

一本作死相從

顧豈苟難

斬聽其自陳論峭拔不平漸要之當一切固令不黥黥

一本作黥憶予少年時亦自喜黥濶於今老而悔壯意

一本作志

日凋減惜夫相遇遲君放我已檢驟聞強大語若虎餓
得啗已無相高心徒有志氣感春風吹天昏醉目睨愁
慘念當相別去兩懷不無黥何時重來過慰我涸轍噉
唯其去後懷猶一飽復歎幸有西南風時作寄我槩

別張粵南夫溫子堅元白滿執中子權黃巢端微
始吾得三滿自謂得過人一日不見之已恐愚賤濱憂
思叢中來腹腸生毛鱗輕舟刺而南久結願解紳入門
顧我笑喜氣沃以新徐徐相抽尋軋軋聽引陳先生固
天賢擬議何可鄰諸君人相得熱炙香相熏而我拱其
間貪喜乃失神鳳凰朝百鳥鴟鴞亦來羣然其氣類同
終獨鳳鶴親發為鳴聲和上下相鏗純苟非治平世不
得此類馴故其聞之者舞蹈相搖振輕風促回舫後會

无涯根

一本作根

作詩謝幸甚顛倒迷歡欣如將銘自賀又

欲書諸紳

廣陵集卷三

欽定四庫全書

廣陵集卷四

宋 王令 撰

寄李常伯滿粹翁

我思古人不可見獨以兩眼紙上求苦讀才疲即伏枕
亦冀夢寐從之遊每疑賢聖世間有豈獨古出今則不
心之所藏弗面見常恨世腹不可搜雖然其中充美者
間或外發文章彪揚淮而南誰名聲盛說李滿乾萬喉
青天白日所同見衆亦不敢加瑕疵而余零丁始就學

獨矯衆棄先拈

一本作拈

收要其所學與必至不止顏孟須

孔周決將健走獨取到顧我不肯少待留新詩惠見薦

自驚若遇重壓併見投星機織成付地錦神治鑄出春

天矛輝光交華目反眩嗎咀過美涎并流退歸畏愛復

願學恍若見富潛謀偷顧其才力非當對猶以一髮紉

十牛使我苦勉不少

一本作可

得搦筆欲下先慙羞有如姣

惡各具

一本作異

體肉骨不可強彫鏤或云才華乃天與何

寡不益多仍

一本作猶

衰幾時高車得

一本作來

會合預期蹈抃

呼旁陬臨風呻哦欲有寄自恨拙繭無長抽

寒林石

嘗聞千歲松為石豈意今逢林出屏苟非木根久自化

豈此石理能有靈世間萬怪浩莫

一本作難

問枉哉山海徒

有經舒山號水固險異疑有神手藏幽冥

謝東丈見贈

賤生不自辰親沒身孤零家無一稜田不得農以耕巧

智不迨人工賈難自名妄來覩

一本作親

文字朱墨紛縱橫

合窮心狂高不肯束世程揭欲望孔孟今昔相招迎去
古遠莫到復今難回行窮步匍匐歸失虎犬不成顛倒
塵土中甚若魚噓羹祖死不反骨姊寡歸携甥蒼黃無

為謀嘆慨私失聲叩頭屋厦借解衣鍋蓋

一本作
益釜

賡

一本

作更甌石固莫致升掬猶時營學左世共笑身賤人交輕

父戒子勿効妻引夫無朋妄承西來招喜色轉以駢非
惟巡脫死始有心期生兒童相回環朋友推弟兄有問
多無對新聞多慚驚自羞陋淺人偷竊幸未黥風窻敞

清虛飽腹摩膨脝睡足起有書案几交堆盈自喜主人
仁不我賢而惇新詩重來貺褒揚借光榮何以示相謝
以銘踰血盟

夢蝗

至和改元之一年有蝗不知自何來朝飛蔽天不見日
若以萬布篩塵灰暮行嚙地赤千頃積疊數尺交相埋
樹皮竹顛盡剥枯况又草穀之根芟一蝗百兒月兩一本
作再孕漸恐高厚塞九垓嘉禾美草不敢惜却恐壓地陷

入海萬生未死飢餓間支骸遂轉蛟龍醢羣農聚哭天
血滴地爛皮蒼蒼冥冥遠復遠天聞不聞不可知我時
心知悲墮淚注兩目發為疾蝗詩憤掃百筆禿一吟青
天白日昏兩誦九原萬鬼哭私心直冀天耳聞半夜起
立三千讀上天未聞間忽作遇蝗夢夢蝗千萬來我前口
似嚙嚙色似冤初時吻角猶唧嗾終遂大論如人間一本
然作問我子何愚乃有疾我詩我爾各生不相預子何詩
我盡陳之我時憤且驚噪舌生條枝謂此腐穢餘敢來

為人譏爾雖族黨多我謀久已就方將訴天公借我巨
靈手盡拔東南竹栢松屈鐵纏縛都為帚掃爾納海壓
以山使爾萬噍同一朽尚敢託人言議我詩可否羣蝗
顧我嗟不謂相望多我欲為子言幸子未易呶我雖身
為蝗心頗通爾人爾人相招呼飲啜為主賓賓飲啜嚼
百豆爵主不加詬加歡欣此竟果有否子盍來我陳子
應之曰然此固人間禮儔价迎召來飲食固可喜蝗曰
子言然予食可愧哉我豈能自生人自召我來啜食借

使我過甚從而加詬爾亦乖嘗聞爾人中貴賤等第殊
雍雍材能官雅雅仁義儒脫剥虎豹皮借假堯舜趨齒
牙隱針錐腹腸包蟲蛆開口有福威願指專賞誅四海
應呼吸千里隨卷舒割剥赤子身飲血肥皮膚噬啖善

人黨嚼口不肯吐連床列筭筌別屋連嬪妹

一本作別室開嬪妹

一身萬椽家一口千倉儲兒童襲公卿奴婢聯簪裾犬

豢羨膏粱馬廐餘繡塗其次爾人間兵阜倡優徒

一本作兵

倡釋子不父而父妻不夫而夫臣不君爾事民不家爾

老徒

居目不識牛桑手不親犂鋤平時不把兵皮草包矛父

開口坐待食萬廩傾所須家世不藏機繪繡繇

一本作繡繪錦

衣襦高堂傾美酒臠肉膾百魚良材琢梓楠重屋擎空

虛貧者無室廬父子各席居賤者餓無食妻子相對吁

貴賤雖云異其類同一初此固人食人爾責反捨諸

我類蝗名目所食況有餘吳饑可食越齊餓食魯邾吾

害尚可逃爾害死不除而作疾我詩子語

一本作言

得無迂

寄滿子權

吾愛子權詩苦嚼味不盡窮思欲名狀百比無一近初
如貪追兵屢請忽許進旗旄左右幢戟劍後先刃方爭
奮拏先忽覩斬亂狗徐驅得平郊萬甲合一陣偏裨走
起頗中間坐吳牘喊呀鬪志酣髣髴窮敵訥前軍奔交
兵後馬走斷紉須臾聲金收萬噪快一雋羣降挑戈矛
叩拜乞用釁蒼黃請命間竊視不敢瞬玄雲壓空虛半
夜暴霆震睡耳起欲掩驚仆失肝腎壯者固已然況余
乃齟齬及其久詳味欲吐復自怯有如羅百珍次第囁

嚼順貪豐不辭多愛美忘餘餒故其留人口雖久咽喉
潤何時匹馬來

一本作東

畏愛氣兩振唯其未合間如不獲

謝蘭望風為此詩顛倒猶合燼

再寄滿子權二首

秋盡啼衰蟲君思云奈何我愚得君思合少君賢勞我

心則多非獨辭源長瀉海為江河平生未始有點

一本作站

缺玉日拂拭金燒磨尋常貍與狸見一足已蹉又況一

地卧三虎狗彘雖勇何敢過揚州我何思青山無一螺

午市不畜寶米鹽財如他而吾三夫子一身各丘軻瓊
林自生寒結露成冰柯文章日組緯玉機飛金梭誰有
真珠繩結作張麟羅拔為當世祥聲為太廟歌我願叅
衆民手足搖婆娑

有錢莫買金多買江東紙江東紙白如春雲獨君詩華
宜相親綴連卷大十牛腹要盡寄我無寄人我將携之

東一本作携
之東海去

脚踏海水洗齒唇轉來清澈飲百斛蕩滌

腸肺無纖塵嘗聞泰山高高處天為鄰借如無梯不得

上亦欲大叫呼天神鋪陳君所詩噪口雷鼓震世多俗
耳固莫告當冀上帝依稀聞正聲定不感凡類舞躍百
鳳千龍麟安能學俗兒一卷不復呻天公聞否尚未快
一本
作決
安得纖翼穿秋旻

答束徽之索詩

世味久已諳多惡竟少好惟詩素所嗜決切欲深造人
安已不休衆恥我獨冒有如獼行跡欲改復自蹈肝腸
困尋搜吻舌倦搏造心靈無餘多為此日有耗已勤尚

無成既苦每自勞自笑如秋蟬飢極不止噪努力排韓
門屈拜媚孟竈惟此二公才百牛飽懷抱我如餓旁一本

作旁

者盼盼不得嚙不知去幾多窮行究未到無門隔

籬籬發罅窺堂與愛之不可入抵觸發狂譟借使苟有
成不知竟何要孤名非所求弊俗詎足傲况乃非所及
窮海未為浩不知何時休定訖死與耄因疑今世人恐
有我同操微之才超高竿幢出標轟為學尚淹蘊富橐
不肯暴文章內未豹外襲一以皂大論尤堅強推舟出

行界珉珎不施功徑欲制珪瑁幸此不我陋教誨日陳
告昨因語及詩請我使自道屢謝不得命迫窄遂顛倒
披堅誘羸兵伏銳待穿盜取勝雖然必窘窮亦堪悼勉
為瓦礫投幸有金珠

一本作
珠玉報

寄滿居中衡父

前會去莫追後見來死期別嘆後見難悔恨前會稀惟

吾衡父兄

一本
作友

金純玉光輝裁磨殺圭角不與瓦礫齊

大匠陶百窑不問履下泥一衡舉十鈞何棄毫與釐余

獨何為人乃不忍使遺有如橫道芻萬足踏不疑子何

嗜好殊獨俯掇

一本作拾

以歸整束使不次欲令襟蘭芝蘭

芝有天香芻賤雜則非然其廁置間適與薰染資文章

每借觀罅隙窺晴曦議論使坐聽穴牘聞英池春園或

承招遊騎亦許隨劇雲愛風枝熱火圍夜棋縱談心

一本

作襟開張倒笑冠欹披匹馬載以來東首頸脰疲夜夢不

厭勞百里夕一馳想見目與眉百障千藩籬不虞自投

置遂若鳥遭羈何時獲因緣連筆促馬蹄誓當盡晨昏

不復起退辭

自訟答束熙之

洞洞之室或者穿巖巖之牆或者緣牆緣室穿

一本作牆室穿

緣

來何哉中有玉萬黃金千金玉固非盜所有盜者然

衆人不知謂爾富不知爾自

一本作亦

何心顏盜財固為小

人戮盜名自是君子奸咄哉自訟毋自欺幾希不在穿

緣間

謝李常伯

人從東南來忽得連紙詩行義不赫驍名聲無姜蕤雖
嘗誤見辱旋則拜席歸別久謂已忘不圖猶記之長封
大書字顧我已忸怩開滕把之讀推與果失宜剥虎蒙
羊猪借使出類奇見豺先自奔遇豢還羣隨是故古之
人為已賤若斯有聞未之行季路終不嬉名浮過所實
孟氏恥以非今而承所賜乃此亦可噫賢者寧過哉當
是我有欺忍愧讀終篇喜驚改肝脾嚶嚶教誨言舉舉
仁義辭初令探本根喻以海與池乾坤老六經遺編爛

孔姬尚恐惑異說教之無遷移強聞終日乾仁不三月
違卒以二者終要我勉不疑百誦百再拜下淚如掛縻

一本
作縻

交朋百愚諛此語聞之誰憶初從粹翁睡耳忽得

提震驚破百昏寐覺悼前迷今而去之久第塞心叢茨

驟承夫子言快斧加芟薺舊穢忽剗削新除

一本
作涂

坦平

夷念當不舍去戴服同冠衣猶恐免袒間復作須臾離
且將鑱之心不止涅之皮二者苟不能終死庶不遺平
生苦嗜詩此篇况驟馳喁哦夜不休齟齬午忘飢仰嗟

天骨雄俯嘆人莫為星明有常高日圓無食虧讀久口
益嚙舌軟涎流垂想當措意初嚼雲吐虹蜺唇牙哆華
鮮肺腸湧光輝故其紙上言飄有霄漢姿何可對酬謝
約一本作度海量珠璣

對月憶滿子權

長風掠海來吹月散百鍊

一本作鍊

青天豁四碧雲靄不

容緣牕軒飄先秋露氣入簾扇寬

一本作空

庭生夜涼蚊口

不得擅人靜暮客去坐偃適自便清牽睡思醒明發醉

膽健披風睨白月瞪視不為眩未甘景獨勝思出大句

銜狂搜得無奇猛吐復自吮篇成若奴婢氣骨終

一本
作竟

凡賤棄置不復收嘆感退自旋起探君寄詩兀坐諷百

遍駁哉劇雄勁百扎洞一箭間逢騁新奇春雲弄晴霏

古鏡終重厚九鼎掛一鉉吾嘗笑夫人語富則自願及

嬰愛君念始自信惓惓閱女當求嬖慕士在獲彥鄙哉

尋常者何用目識徧得逢誠幸多既別遂堪嘯乖離時

況久會合卜未先思之不可見飛魂不身戀秋城崔嵬

高園我屹若園安得擘風翅飛出不自殿巧為相見謀
反覆竟未善惟當遠相要共借月為面相離苟同天舉
目亦兩見又況相去間財止百里縣不知竟可否寄詩
代請勸

八檜圖

客有要我八檜吟手携八檜圖來懸掛張滿壁惕可駭
盼顧左右同嗟嘆旁摹石刻署名狀各有憑附相夤緣
或高相扶互倚礙或斷欲蹙猶支顛強枝拗回信有力

高幹復俯蛟蚪拳尋根及枝逮條蘖例不拔直皆旁偏

雷疲風休雲雨去蛇龍鬪死猶鈎纏安分爪角

一本作無與

尾鬣徒見上下相蜿蜒不知生時竟何謂畧不參類常

木然宜乎今古惑昧者搖擺舌吻歸之仙一龍盤拳老

高大傳云

一本作曰

聃者由飛躋當時駕鹿蹠以上跡有町

墮遺相連多應蜴殘鳥啄啄不爾誕者強鑱鐫聃能惑

人已自幸豈此上去能欺天借如聃功可升躍鹿亦何

幸飛相連於中一木特甚異膚華逆理紐左旋傳云聃

人

一本作手

所自我我知此語定鑿穿苟令實為聃者植推

以天意猶可言當年曷不紐向右若曰世為左道牽如

何衆輒

一本作識

不省究反重神怪令聃專乾坤中含萬品

彙此獨自異誰令旃

一本作殊陶甄

窮思竟慮莫可索欲世不

惑誰能塞

一本作塞

仙書虛荒喜誕妄推說事理尤繇延世

人一讀即化變日望飛奮相迷癡豈非此木久樹此浸

漬亦為異說遷故其形植與生死時以異怪招驚憐尤

時世不早斤斧放大其老訛誇傳當年同生好材幹半

以直伐成燒燃憑妖附誕相樹立卒自死活終完全葉
枝凋疎不有陰材直弗柱曲莫輳不知留存護養者竟
以何理惜不捐我有尺鐵大剛利久以鑄斧磨山巔卒
無柯柄尚棄置懶乞月桂求嬋娟

秋夜

秋夕不自曉百蟲齊一鳴時節適使然鼓脅亦有聲爭
喧鼠公盜窻窳蛇陰行獨有東家雞苦心為昏明

答東孝先

純金出鎔鑪

一本作爐

烜赫掩熾火錦成洗春江衆目炫莫

柰魚鹽物誠微誤用幸不浣君家兄弟賢我見始驚夥

文章露光芒藏蘊包叢脞闕門當自足何暇更待我固

知仁人心姑欲恤窮餓苟論才不才自合棄如唾憶昨

西來初戚惕侍

一本作侍

客坐交持駕說口張闔不可鑠間

發辨經義鐵舌莫摩挫高文忽下投白日駭天墮眩怖

欲前掩布帛不可裹初視

一本作觀

固宜驚獨獲亦堪賀又

如遇

一本作逢

貴人繡錦飾婀娜回眸忽自鑑惡面復窺裸

屈降心已甘嘆憤志亦頗雄高豈復爭愛恤亦加荷大

詩又

一本作忽

來及推與太浮過自無賢可稱以是惡甚播

譬如享厄人豆食止則可苟強擔石負蹉跎適足禍何

以論報心結草効鬼

一本云結草同魏

顥

戲食雀

秋風雲氣寒秋雨晝夜兼飢禽濕不飛左右煩顧瞻有

雀獨飛下施徐入吾簷毛羽刷參差嘴距交鈞鈎

一本作鉗

跳乘新春箕取飽公不嫌而吾本有意聽之取微纖忽

驚自飛去。駛聿不少淹反。就高高枝。啁噉氣不怙嗟乎。
此微類。豈不無以厭來。既冒彈射。固難責其廉然。
一本作而
余乃無罪。見怒何過。嚴

廣陵集卷四

欽定四庫全書

廣陵集卷五

宋 王令 撰

金繩掛空虛自勉兼示束孝先

金繩掛空虛日月繫兩垂天童坐戲弄縱掣成東西百
年未死間晝夜無窮期短短固可惜舒舒定非宜有聞
未之行有學未及知白髮已班踈朱顏亦童黎智慮昏
晚年聰明退前時縱欲加自修去日何勝追奈何少自
廢老則成空悲

寄洪與權

與權江南來適自滿門會初無合我志財以客面待時
時相鉤探稍稍互酬對根源豁披張扁鑄失分解君然
領還嗟我恐敬若戴相逢時既多相待兩交快予初請
子交子曰何可外中又謝不德卒曰吾而愛既而第以
年子合我兄拜揚雖士云多徃往事冠帶中間滿夫子
崛出百萬最更以子從之而吾米則稗朋從偶許攀會
合日與在春晨巧誇招月夕因論話書狂逸飛蛇碁毒

甚含董相謀務奇勝聚口笑拙敗貪驩不知歲冬律忽
移再余飢奔先西餓色面留菜子待去亦恨書以問我
奈別來君何如思子我心痲朋分無舊歡世險有新態
高言足瑕疵俗學牽細碎貧知身貴重病覺學力怠壯
心已無多況去日有退豫期後相見頑陋徒老大好勤
寄余書思子百憂萃

寄滿子權

子權今謂何久不治蘭書子素賜我多豈以此遂疎予

亦知嘗時病與貧相俱
冉冉草沒階
客脚不踏廬
貴者

事名位崖岸誇異殊
賢者縱肯來顧我欲取

一本作取取

無

惟餘齷齪徒吾亦羞與居
潭潭一室空編帙環三隅
暴陽不憂償偷飽幸未誅
且可延朝昏憂思老頑愚
獨有思子懷涕下時暗鳴

冬陰寄滿子權

玄雲載雨惜不下
北風吹急水相黏
周遮覆蓋不通透
錮結已厚難披燭
微陽未復老陰壯
計去暖律時猶淹

青天何可一日失漸恐此去無由瞻日馭自懼不得脫
畧出急入地下潛憑陰托寒恣凌爍風伯得意一本欣

作志

沾沾但幸天公不省悟誰顧地下人嗟讒隅絕霜露曠
不下帝有潤澤何由霑非惟勾芽凍夭折亦恐萬類由
茲殲九龍銜火互相煖稱有日我借不甘羣兒銳奮不
量席欲仰吐氣吁以炎惟有壯士抱劍卧思得美酒聊
自酣

弱弱誰氏子

弱弱誰氏子鮮鮮一何姝來奔富人家妻與富人俱

一本

作嚴一本粧問夫子我豈彼室如夫子笑遣之彼寧與

汝舊本都升堂一本作由阼階德色溢以舒親賓不敢

作爾

褰裳

笑退語相戲吁高堂聚羣婢唯諾相咨睢家事忽不圖
顧指取自如朝令折柱薪暮遣藩籬除風雨半夜來百

釁生不虞屋壓盜隨至夫死別嫁夫東鄰有淑子

一本女

惟一本不事鉛朱端居待人求正色不敷腴清鏡見

一本

照作白髮行媒不顧問不知愛妻人取舍何異歟

贈黃任道

長河之流幾萬里駭若瀉自天上來奔湍衝山拔地走
直有到海無邪回人之所觀乃流沫猶以激射憂天推
想其根源發聲勢如縱烈火燒千雷古來走死萬萬脚
竟莫識自何來哉我疑鴻荒混沌日冲破天地之元胎
夸娥搖頭巨靈走避不敢道曾疏開鋤耨之成乃畎澮
欲計議此誠可咍長帆大艦不敢絕尚恐飄去無垠崖
愚兒脚慣踏潢潦安敢逆此如沂洄

答黃藪富道

角角適時足力走猶或遲從而不逮人不若坐視之而
予始用此已無先人思間自念斯世固亦未易為以其
得而慚曷若退自宜老身可孔顏餓死猶夷齊予心最
樂此尤喜用自持豈將六尺軀賤易五穀皮但無百畝
田得一本作可抱剛氣歸年來事窮感露暴無自依姊寡不
能嫁一本作無為家又一本作子得家兒孤牽我啼平生事文字無路
活寒飢勉從進士科束若縛襁兒時時忽自笑一本作笑自忽

往往窮加悲

一本作述窮悲

有如高飛鳥中路飢自低銳知從

食來不

一本作豈

意身投繯神龍拏白日挾雨萬里飛使其

一本作之

口有銜安得無馴隨雖然平生志固未忍相遺間

時自散開縱吟助噓噓財將舒

一本作輸

已和豈敢偷人知

黃君道德者術業何頗頗手提九黃鐘旁取折籥吹懸

知失氣類誤以唱和期不知里社歌不可郊廟施况余

衰病餘有氣亦已卑加之困俗學羝角方牽羸詩陳盡

自道幸子憐無疵

一本作玼

春風

春風東來暖如噓過拂我面撩我裾不知我心老有異
亦欲調我兒女如庭前花枝笑自愛風裏草力更相扶
旁林曲樹足飛鳥不問燕雀鷗鳶烏求雌要雄各有意
豈但聞競爭春呼春巢成多夏卵衆明年計此更有餘
非唯喧呼亂人耳漸恐巢穴妨人居收殘射中豈無道
我亦力可彎長弧林深枝曲矢不入况弓待借家所無
行吁坐盼不可奈安得靜默投身俱

長風

長風吹百草勢力亦隨靡地長風易休草力復隨起長風隨令歸風去何時來百草安正繁蘭生爾何哉

東風

東風來幾日窮巷不見春不知得花由只見插花人東

舊本作春

風能幾時聽爾多歡欣徒恐春風歸汝我同悲辛

哭詩其一

死者徒已死思之恨無涯生者非素心還作死者嗟今

古悲畧同斯道竟奈何哀絃直易絕哭詞曲難歌

其二

朝歌聲吁吁暮哭聲轉無聲無血隨盡安得目不枯
枯不足嘆無目心自安目存多所見不若無目完

其三

切切復切切淚盡琴絃絕憤氣吐不出內作心肝熱朝
漿渴不勝暮潦濁不清何以慰我懷安得滄海水

其四

哭莫傷滄海淚落長海流
流深風濤多駕蕩覆我舟
不若灑春草荆榛蕪蔓莖
怨氣觸草死猶得香蘭生

其五

一云又哭
詩二首

朝歌憂思多暮歌無奈何
偶嘆氣亦絕未慟血先沱
淚落入口少不如出眼多
安得常病軀不為瘠且瘡

其六

目雖淚所出由來心乃源
白日照我面意欲乾汎瀾
而不照我心我淚何由乾
況在重雲遮使我何自安

張巡

祿兒射火燒九天鬼手不撲神聽旃羣庸仰口不肯唾
反出長喙噓之燃睢陽城窮縮死鼈危繫一髮懸九淵

巡瞋睨遠兩臂折

一本作折兩

怒嚼齒碎鬚張肩恨身不毛

劍無翼不能飛去殘賊嚙翁軀腥刀子磔俎日嚼血肉

猶經年霽雲東攘兩臂去西來才有九指還胸中憤氣

吐不散去隨箭入浮屠塼忠窮智索其自効更嚙愛妾

嘗飢涎我疑沒日賊不食恐其肉醢死不痊又疑身骨

不化土定作金鐵埋重泉何時山移陵谷變發出鼓鑄
戈或鋌吾如得之顧有用不誅已然誅未然

贈李定資深

涉川固有道造舟不如梁曾聞水覆舟不聞死乘杠奈

何揭厲子先先勇褰裳豈盡水害人固亦謀非臧鳳雖

謂靈畜無竹或

一本作終

死飢竹今無方無鳳云非其時使

之羣

一本作隨

鵠鵠飢飽為止飛非惟失所

一本作厥

靈亦與彈

射期

又

坦坦誰之田施施繳且弋烏來玩其機鵲至喜其食長
鴻飛冥冥志與萬里極豈無啄飲心寧飢不人得湍激
日颯颯風稜勢漫漫奈何舟上人試死才一間苟不以
利涉安坐思誠艱客雖懼謀梁而木嗟在山

古廟

古廟隆隆敞庭扉風雨剝壁駝柱撐我來安知神所依
穹堂窸窣風幡旂神君龐軀突鬚眉視我睨睨坐倨箕

惕懔觀者駭不怡羣鬼後先張福威直東之廂步逶迤
目益所見怪可噓馬牛羊犬雜豕雞或戴以首旁四支
間有人面身亦非老祝趨前為衆詞口吻囁嚅言喤伊
稱別狀類顧東西唱號名字分何誰空虛冥冥非所期
豈亦以此為人尸視其膚草已彪狸寧有中反恬肝脾
又有械器身挈持一本作提携傳言癘疫此乃資古之日行
歷虛危猶恐盛陰鬼所隨磔儼於門驅使馳今安取此
廟以祠不念延虛殆疋羸農凶年多苦餓飢苟幸得飽

不擇

一本作釋

析來則拜叩盡敬祇幸天之澤偷自歸民德

且恐報之時餼肴豐鮮牲魚肥欲奠以獻更濯庖進謝
千語拜百低工鼓於庭巫舞衣祝傳神醉下福禧農謝
神去祝徹之庭前七割棄餘遺鵠烏下爭趨不飛回顧
神面如故時意者不為祭謝移嗚呼神固非吾知

禱詩

方春不種蘭終歲無自佩良田弗加芟徒穉亦無歲空
令雨露恩日夕被蒿艾安坐飢怨天此理果誰在一日

不為田百草已有根
況復間三時其穢何待論
豈不有錢鏹從羞慵
借勤歲晚憂不耕何獨議
鋤耘毯毯晚春樹上下
聚百蟲不有口似薨則生
尾如蜂設不二者然亦
徒生無庸清陰不可居
歲晚還秋風

廣陵集卷五

欽定四庫全書

廣陵集卷六

宋 王令 撰

猛虎

猛虎出白日其欲未易量人人有怒心常懼不敢戕壯
士獨何者忿氣裂怒腸脫身拔劍去奮躍如驚翔雖挾
必勝術豈無邂逅傷虎不食壯士壯士自虎當意貪衆
人完豈暇為軀防虎死衆人惠虎存憂一鄉果哉彼丈
夫賴有一劍將使其無所操未免伏道旁有劍不刺虎

為謀信非臧無劍徒虎爭雖勇適為狂利劍亦可嗟人

有我獨

一本作獨我

亡日暮南山阿直道何可望一虎固已

爾沉復千豺狼

答問詩十二篇寄呈滿子權

今既愛盧仝蕭宅二三子之詩而猶恨其發之輕也
然忘其効而更重之則得矣逮子權之起予予實慕
之輒為十二篇其意亦不異子權所謂東野諸子答
問者予獨廣之爾其水車之篇獨異於子權然特其

文則然吾之子權與吾與他知詩者謂為不異也

罇問耒

金堅雖不磨木曲亦已揉幸蒙主人用反要主隨後適
作一本慵耕兒雖功不見取良田常無收何塞不耕咎

耒答罇

我用常在金任金適由木苟得金為用何惜木微曲幸
得主人隨不恤汗行犢必求隨主人我用誠不足

又

我用於主人良田无虛種主人不我以我適為無用不知主人飢歲卒安自奉由來我求人孰與求我重

又

我必為人用不必用於人若也責不耕君真問諸田

耒問耨

一畦失之荒爾力亦可耨天下方漫蕪爾功亦何有

耨問耒

一本作答耒

天下方漫蕪顧我適有庸使其已除滌我將何以功我

豈大無效

一本作無大效

自是用我慵

耒問斧

子斧誰爾為黑白大分別朝伐一樗死暮伐千樗藥爾

終不自謀幾日

一本作幾何

不缺折

斧問耒

大樗吾猶伐小樗何畏藥吾缺猶俟磨爾折將奈何

水車問龍

來何必召雲去何必飛天我名不為龍何能雨爾田

龍答水車

神龍謝子車子能未足多上潤雖已然

一本作足

下竭將奈

何

水車謝龍

水車謝神龍下竭固無奈旱則我為用爾龍尚何謂

龍謝水車

神龍謝水車吾語爾來前爾雖用於人亦我用於天在物固不同於用豈殊然水下高田乾爾能俯水取假人

不爾用爾受田責否吾身雖為龍動亦天所主天猶不
有命我安事為雨

秋懷

槭槭庭前樹

一本作槭
槭庭樹葉

朝零非昔稠
叨叨草蟲鳴
暮急

曉未休爾雖無不平豈亦有哀憂胡為勞吟呻與士傷
感投壯士亦何者哀我與蟲酬所抱不列陳調苦難謠
謳高目有遠見直懷羞曲求蒿藜襲久安功名忘前休
日月忽未幾天地今復秋少壯負所懷老大將安謀生

無及人功死骨埋泉羞胡為不奮飛徒與寒餓仇

中夜

晝日苦卒卒忽焉

一本作然

不加思長夜漫不眠起復日所

為所為浩多愧不與初心期虛云聖賢學實從世俗歸
雖恥猶奈何長歌涕垂頤

又

擾擾從俗為日與所學戾茫茫坐三復心面自相愧守

道惡從人取俗

一本作食

患高世誰令二者異不得一吾致

士患常不學

士患常不學不學常固然學成安所施用舍繫諸天孔
孟去已久寥寥泣遺編斯道未易為今古如同年

舉舉媚學子

舉舉媚學子居曰不吾知知而有不能無乃失於欺不
知未為患不欺浩難期咄哉天下懷何以天下為

秋日

秋日不照天秋雲自明晦脫葉下衰草蜩蟬事今退天

地功方成草木猶怨願志士感所懷長吁下清淚

秋興

秋風吹人有高興醉懷感物傷盛衰秋來縱得蒿艾死
歲晚已非蘭蕙時哀歌不入俗耳聽大笑自與萬古期
長鴻冥冥爾飛好雖有繒繳安所施

翩翩水中舟

翩翩水中舟既滿何用載主舟者誰子無乃忽於敗兼
濟雖期仁過任適為害自是人致然已溺何足怪

書懷寄黃任道滿子權

西風吹雲空晴日露高曬驚馬無速騁歸客思遠屆長
林剝霜紅遠水漾寒派露蟲悲自一本作且咽風菊老猶介

昔予來方春焔焔樹生態今歸亦未幾馬踏落葉壞時
物固有然盛衰信難概吁嗟為生勞黽勉計無奈伊余
有遐致久此困俗械嘗思擺絕去自放出世外高懷樂
天寬遠目斥人礙有田足晨昏有圃具蔬菜父母不待
養妻子固易賴世孰得丘山亦孰失蒂芥人自能輕重

吾將守所愛六經老誠明萬古熟成敗得時為醢鹽滋味和鼎鼐失猶有萬世令名自沽賣自視久已明決不事謀蔡寄詩侑子觴期子和而一本作且再

今既有高郵之行而東先兄弟索余詩云

擾擾利學者久不可與謀讀書乃何為老不知軻丘弗恤義所在務期高爵收嘗聞失則嗟不聞得之羞知誰洪其源使世乘其流於今已汗漫更久將邈游嘗聞古人言饕餮為共兇謂惡豈必多偷飽德弗修不知自思

者舍此何所由故余早知懼誓將異人求寧為寒餓嗟
不同富貴謳此行況有獲師德高前修因嘗請子行勉
子無逗遛於吾乃何有同病不獨瘳雖愛謂予然尚疑
子終不惜子有高材竿幢揭華旒苟能自擺去不為世
學囚行將見遠到強弩射弱敢何必請予詩自合治子
輶

酬束丈貺詩兼叙所懷

白日立中路犬去不形相夜以一本作有盜自来何敢怨犬

傷主人忽加念謝恕犬無良盜子愧伏前有言願加詳
見賜固已多恕犬誠未臧

惜交詩贈東孝先

千金得寶刀不若得挿歸寶刀雖云利邂逅傷瘡痍傷
瘡有復日傷皮無完時不若遠所傷取挿安自持一鑿
以成井再鑿以深資清泉冽其中定德發不移飲可沃
吾心浴能清吾肌此道如必尚一本作當庶幾有常為既庸
銘我前又書薦余知

再贈東孝先

玉缺見不撓劍折知真剛張目不見心人固未易量念
我未知子徒知一本作然外觀望安識子所懷赤日包白光
去去終我身兩兩無相忘縱予道路憂骨尚付子藏

卜居

吾求一屋逮兩月貧不謀貴一本作富何以圖竭来自放就
窮巷幸得之喜何敢吁頽簷斷柱不相締瓦墮散地梁
架虛門無藩闌戶不閉時時犬彘入自居主人於我莫

自致為我補葺加垆塗翻翻匠氏乃誰子頡頏作氣厲
叫呼羣雄洶洶助聲勢睥睨凌我要我酤歸來嘆息無
自得兩日財致酒一壺徵多償少意不愜棄我忽去如
逃逋重來閨寂不可問依舊四壁編空蘆嗟余雖貧日
猶爨可不善為盜釜謨外戶不閉古則爾今也盜賊過
街衢乞錢買籬作藩固更學關隄防朝晡鄰翁問我乃
何者得毋亦以名自儒王朝潭潭聚冠蓋幾人不載卿
相車子何布被不蓋肉浪自名士

一本作浪實則奴假
稱為士

為無能守編戶猶可自擇安閭閻胡為慘戚卒困此去
矣何屋不可徂此居卑注不待說四高中下流無渠夏
霖連延久積注往往竈下秋生魚始來圖此不自擇終
見坐與蚯蚓俱何況梁壞日蛀一本作傾腐一仆非爾力可
扶苟來暫安急旦夕反以身就殞壓虞乃知窮則失自
愛死得正命有幾且翁乎爾言誠得矣我方困甚非真
愚

聞哭

冬溫春疫早死者晨滿街但聞哭子悲不聞哭母哀老
慈愛益深壯剛氣則乖嗜欲奪天性情思占妻孩詩三
百具存聲已亡南陔人情古不美況復嗟今哉

養賢

萬鍾豈不多財得孟子辭千乘友子思猶曰須我師古
賢不易養養賢則已而今賢養自易無於古加疑

廣陵集卷六

欽定四庫全書

廣陵集卷七

宋 王令 撰

送李公安赴舉

行子冠上塵梁宋道傍土塵逐冠蔽損人來還復去馬
蹄日月長踏盡西北路近者何紛紛姿狀頗秀舉傳言
天子詔士得四方赴來如鵲翅翻去若蠅頭聚市兒屈
指計過百日未暮昔周方盛時得士纔十數唐虞此為
盛中復容女婦昔何稱才難今也寧異趣但恐所取異

今古殊尺度夫君乃高才久有及物慮今又奮絕去挺
拔欲自樹余窮非所知久有山林素但無百畝粟乃就
羣才賦仕道得亦嗟困窮失為懼二者各有命予亦
一作何所與

離高郵答謝朱元弼兼簡崔伯易

昔來何悠悠今去亦泛泛豈自果進退姑且便飲啗三
代今去遼士食久已濫徒死不為義可無苟石擔平生
墮百為且就投鉉輶束身入世程開口就人歎怒喜有

失得眉睫煩窺瞰野鳥或在籠山猿有終檻能安此為

命雖失亦何

一本作何所

憾予嘗勇自明磨古得前鑑抱閔

賢所容較獵聖或暫庶未負初學尚為神所監予行人
之嗟我笑不為領子獨辱所厚以詩繫歸纜命和始自
書狂言庶非僂

東園贈周翊

嘗聞東園游觀嘉晚趣時節亦自到東風不知來者多
一日芳蹊踏無草山櫻着子寒尚遲江梅殞藹香可吊

扶疎枝葉未成蔭偶來正值斜陽照千株紅杏暖自酣
風引高炬燒晴燥天桃未老已抽青略略朱旗冠翠纛
雖然素李不爭花似洗朱丹誇瑩皓其他百種不可名
如列錦繡快晴曝何低何高何後先一一盡解承春笑
楊花輕佻最得力飛過青天去何冒弱柳低垂弗辭賤
以力憑風為春掃黃鸝嘲啁一本作啁啾聲語和似對遊人
見情抱蝴蝶填委不知數飛亂人眼漫顛倒黃蜂雖忙
不為身以甘遺人竟何道子規終日勸客歸吾無間然

念何報嗟余多病所趨乖又懶謹呼逐年少經年一春
為嘉時行過不恤每自譙然雖無酒不解歌索遊尚少
貧交召何時期子早再遊風雨不一作本可旦夕料

龍角歌和崔公度伯易

嘗聞螭出軒轅丘其長百尋圍十牛民驚臣愕爭論訕
帝亦謂應土德修賜螭傍海連十洲俾朝食壤暮飲流
仍命九龍狎其游視龍有角急起羞亟去訴帝龍有本
一作可憂帝憐不呵許為謀召一龍食繫其喉揮萬力士乘

其頭披肉斷角塞螾求螾取而冠萬鬼撇雷號電

一本作雨

泣竟莫抹龜擗鼉踊弔蛟虬奮穴出哭勞鱗鱗八龍怒

走乞天仇天賜六丁皆劍矛取螾拔角磔大幽下龍載

一本作拜

帝問何由臣攀墮髯不可留竟去不知天所尤龍

冤雖復骨不收傳流下古說易

一本作不

浮我聞其語疑有

由以龍易螾理若不愛不知蔽似有繇人皆傷龍為歎

啾我獨鄙其與禍投嘗聞龍德神自周出飛于天入海

休棄此不處與螾儔以養就人理固偷果死以此嗟何

仇我来但愛遺角觥是非欲竟理莫搜君學窮物功本
巧搯掇其說獨挽萬璽抽當有實論破衆廋勉矣投以
釣海鈎

春人

春人輕飄喜聚散春筵笑長白日短柳芽嚼雪噴盡寒
桃花燒風作春暖春衣少年當酒歌起舞四顧以笑和
紅天綠爛狂未足春更不去將奈何

送贈王平甫

士學何漫漫近習忘遠紹文章多自名誰出得高調子

才希世珍拔俗起孤峭如解萬里駿不以羈縻要篇章

綴清新霞電綯天影

一本作縹

夜歸借之讀掩紙疑有耀洗

手脫世塵飛身就遐眺舌骨誰謂朽死魄如可召縮手

不願學神巧謝人妙余材生何偏日月費吟嘯収奇欲

身名攬古願獨弔平生勇前爭未始卻自料一日接大

敵說舌忽忘挑如秋九磨鏡迫我以醜照貪觀朝日明

退失兩目瞭願假斧斤惠刻形近天肖寄聲誠甚勤獻

璞定逢笑

山陽思歸書寄女兄

淮風情舒舒楚水日夜流風能駕吾帆水可載我舟余
歸知幾時子望懸百憂念我兄弟寡商參各殊州十年
不一逢會合何所由幸逢子來歸與我相慰投甥兒入
吾牽甥女出吾留子吾笑其間貧不知可愁心如熙春
陽樂若醉酒酬憶我別子日將行更逗遛泣恐傷子心
淚出仰目收別日才幾時別思日九秋心隨西北風日

望東南樓主人仁且賢憐我羈旅遊晨粳玉炊香暮酒
金注甌盤蔬羅春青豆脯兼夕鱸為食豈不美義咽不
下喉要當歸子同半菽飽亦優始予志所學義當望軻
丘竭來與世評衆口忽起咻嘗觀世金朱此道久已偷
胡為不奮去附世如贅旒而子亦待人特以貧不謀參
差兩如此偃蹇勢畧倖要當共引去逸世出網罟遐追
避世徒子與侍巾裘吾將亦娶婦力以石臼求貿田
結歸廬種樹屋四周子居課桑蠶我出鞭耕牛教妻績

以筐使兒餉東疇坐笑忘歲時聚首成白頭歸乎當何

時

一本作歸
依期何時

詩以侑子謳

大舟

大舟無風帆不舉小舟榜入青冥去漁子舟中呼且歌
夜半聞魚誰得多

望花有感

春來幾時余不知但怪日日柳梢好我嗟無地自種花
常恐東風只生草誰家有園不可入時時縱欲信自到

寒梅最香落已闌
桃杏雖遲亦顛倒
高枝飛鳥夜踏空
低樹狂兒日推搠
惟余零落滿地紅
主人更聽奴頻掃
悲來四顧慷慨歌
要且傾酒澆顏酡
春歸欲挽誰有力
河濁雖泣行奈何

小雨

一夜風聲驚屋破
四鄰叩壁呼我賀
久知旱勢非所期
果見雨逐浮雲過
庭塘流注已有餘
田畝不霑亦何奈

一本作那

雷嗔電笑竟何為

一本作雷嗔電笑爾奚為

幽人空廢南軒卧

餓者行

雨雪不止泥路迂馬倒伏地人下無

一本作扶

居者不出行

者止

一本作返

午市不合入空衢道中獨行乃誰子餓者負

席緣門呼高堂食飲豈無棄願從犬彘求其餘耳聞門

閉身就拜拜伏不起呼羣奴喉乾無聲哭無淚引杖去

此他何如路

一本作道

旁少年無所語歸視紙上還長吁

世言

紛紛世俗言病

一本作倦

客久厭聽聖賢沒已遠

一本作聖

轍已遠賢

是非久無定六經紙上言黑白欲誰証獨有自信人中
得不外競

暨陽居其一

出無王事牽入不治居舍蒿藜

一本作菜

入墻屋塵垢變几

架糟糠苟無憂智力取自暇逢詩即廢日得客輒忘夜

積懶遂成性習勤反如詐幾不類怠傲

一本作放

愧一本作羞恥

將何謝

身非爵與官車馬久不謀家無田倉儲雀鼠非我仇朝

出從人居詩書講前修暮從兒子嬉歡笑何所憂間將
筋力疲懶使志慮收斗楯尚煩送誰謂能無求

復繼前題二首

自吾暨陽居已見月四周流年不我謀寒暑忽已邁老

來何足嘆

一本作嗟

苟死固

一本作亦

可羞子今

一本作而今

用力薄

暮齒將何收

斯道久泯泯斯人固悠悠歸豚非吾心在禮惡不酬從
人效屈伸俯仰不自由於命有當然信矣何足羞

寄題宣州太平縣衆樂亭為孫莘老作

令君架亭樂荒幽得地適興萬景投亭成雖名為衆樂
地僻無客誰與遊訟休民去吏隨散獨有文字與令留
把書開闔坐自笑回視令職忘卑陬昔聞酒賤喜易醉
今說魚美予作一本何憂彈作一本琴有聲尚近俗要解弦
絕以意求況持高懷屈下邑志氣畧與彭澤侔身嬰民
憂手持作一本版心愛山水寧非偷景好不見但聞說使
我耳目私相仇亭前行跡不破草亭下野鳥常喧啾山

雲朝噓翠巘出海月夜下清溪浮春花夏蔭已有一本

作可

愛况使風雪

一本作馬

回冬秋惜予不得與快意共上岑岑

望九州黃山聞好眼未識夢想欲到迷無由圖傳粉墨

固未好願假壯筆一攬收果逢來篇騁雄勝

一本作怪

若執

造化窮凋


一本作雕

鏤

一本作搜

一時文工豈不偉千里寄我何

以酬耳昏俗語久欲洗為我一謝山前流



廣陵集卷七